



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

§. 1. Quid possit homo præstare absque Gratia in servanda lege naturæ, &
tentatione superanda?

urn:nbn:de:hbz:466:1-40853

Dei notitiam & fidem supponitur habuisse adjutorium ordinis naturalis, ut indicant illa verba D. Thomæ : Si aliquis taliter nutritus (in sylvis) ductum naturalis rationis sequeretur, certissimè est tenendum &c. Id quoque ex sola Dei providentia & beneplacito fieri, homine infideli ex ductu rationis naturalis inspirationem fidei non impediente per sua peccata, conformiter ab initio diximus.

CONTROVERSIA SEXTA

De viribus Naturæ sine adjutorio
Gratiæ divinæ.

S. I.

*Quid posset homo præstare absque Gratia in servanda
lege naturæ, & tentatione superanda?*

Dico breviter primò : In natura lapsa sine gratia datur potentia physica servandi collectivè totam legem naturæ. Ita docent Ariaga, & plures alij. Quia etiam sepositâ gratiâ homo peccabit si violet legem naturæ. Atqui potentia peccandi includit potentiam faltem physicam non peccandi, nemo enim potest peccare in eo quod physicè nequit vitare.

Dico secundò, Homo tamen lapsus habet necessitatem moralem faltem ex parte violandi legem naturæ, si longo tempore ei desit gratia. Hæc est communis doctrina Theologorum, adeo ut opposita censeatur errori proxima.

Ratio desumitur ex eo, quod Concilia & Patres in illud Apostoli ad Rom. 7. *Infelix ego homo quis*

quis me liberabit de corpore mortis hujus? gratia Dei per Iesum Christum; doceant observationem legis sine gratia esse moraliter impossibilem, propter infirmitatem carnis, & vim concupiscentiae: quibus denotatur necessitas quedam antecedens, sira in peculiari difficultate honeste operandi, seposito adjutorio gratiae: quia sensibilia vehementer apprehendimus, & concupiscentia ad hanc apprehensionem naturaliter insurgens, voluntatem ad objecta inhonesta vehementer inclinat, ideoque redditur moraliter impotens ad legem longo tempore observandam; cum necesse sit intra longum temporis spatium frequenter occurrere tentationes legis observationi contrarias. Sicut in magna multitudine hominum, et si possibile sit physicè omnes filere, moraliter tamen necessarium est aliquem fore qui loquatur. Colligitur eadem doctrina ex Concil. Milevitano Can. 5. & Tridentino Sess. 6. c. 13.

Dico tertio: Datur in homine lapsu moralis possibilitas servandi dictam legem tempore absque gratia. Est communis Doctorum

Quia pro exiguo tempore potest deesse illa moralis difficultas, quam in superiori assertione exposuimus; absente autem singulari difficultate, nos posse honeste operari, adeoque legem servare, admittunt passim Doctores cum S. Chrysost. in 1. ad Corinth. cap. 11. & S. Anselmo in dial. de libero arbit. cap. 5. & 6.

Dico quartò: Homo in hoc statu nequit gravem temptationem sine gratia superare. Est communior, contra aliquos Authores Catholicos.

Et probatur ex Apostolo 1. ad Corinth. 10. Fidelis Deus qui non patietur vos tentari supra id quod potestis. Ex quo loco docet Chrysost. dari aliquas

R 5

ten-

394 *Pars 2. Controv. 6. De viribus Nature*
tentationes quæ non possint à nobis viribus na-
turae superari , cum eas opponat Apostolus ten-
tationi humanæ , sive levi , quæ à nobis vinci
potest. Et Prosper lib. contra Collatorem cap.
35. invenitur in Cassianum, quod dixerit à Jobo
tentationem gravem viribus naturæ superatam
fuisse.

Hinc dicendum à fortiori, omnes tentationes
collectivæ sine gratia superari non posse. Et
quamvis nonnulli contrarium contendant, id
tamen temerarium esse censet Suarez hic lib. I.
cap. 26.

Dices , Potest quis ex fine pravo inanis glo-
riæ mortem tolerare ; ergo idem potest ex fine
honesto gratia, non obstante rei difficultate.

Respondeo negando consequentiam. Quia fi-
nis pravus tollit, aut minuit difficultatem ope-
randi , propter vehementem sensibilis bonitatis
apprehensionem : finis verò honestus, quia lan-
guidè apprehenditur , relinquit totam tentatio-
nis difficultatem prædominari.

Dico quintò : Potest modò ab homine sine
gratia vinci levis , aut mediocris tentatio. Ita
docet Amicus, aliisque communiter, contra Val-
quez, & Meratium , qui semper ad victoriam
tentationis gratiam aliquam requirunt.

Ratio desumitur ex eo , quod aliqualis diffi-
culty oppositæ temptationis non impedit quin
objecti honestas possit efficaciter apprehendi,
atque ita connaturali modo placere ut voluntas
illi adhæreat. Et sicut experimur opus non esse
auxilio gratiæ ut quis resistat alteri gratiæ for-
titer ac suaviter ad bonum inclinanti, ita etiam
non est cur aliqualis difficultas concupiscentiæ
impellentis ad actionem in honestam , per vires
naturæ nequeat superari. Adde proscriptam
esse

esse Baij propositionem 29. Non solum fures & sunt
& latrones qui Christum viam veritatis & vita ne-
gant, sed etiam qui dicunt tentationi ulli, sine gratia
ejus adjutorio, hominem posse resistere.

Quae nostræ assertioni ab aliis opponuntur, tantum probant requiri gratiam ad quilibet temptationis victoriam, ut hæc sit meritoria præmij supernaturalis: aut ut contra leves etiam temptationes victoria continua obtineatur, quod lubentes admittimus. Sicut enim absque speciali privilegio nequeunt moraliter vitari omnia venialia, propter instabilitatem naturæ, & frequentes labendi occasiones, sic etiam natura perfide non satis est potens, ut collectivè omnibus levium tentionum impulsibus obluctetur.

Q. 2.

An homo possit habere aliquos Actus moraliter bonos
absque Gratia supernaturali?

Certum est apud Doctores Catholicos, sine adjutorio gratiae non elicere actum bonum, prout conductit ad vitam æternam. Procedit gitur hæc quæstio de actu tantum moraliter honesto, sive laude digno intra ordinem naturæ. Talem actum negat Baij, ac penitus expludit distinctionem communem actionis honestæ in naturalem & supernaturalem, afferens ad quemlibet actum honestum gratiam supernaturalem esse necessariam.

Sed contraria sententia necessariõ admittenda est. Quod probatur primò; Quia, inter alios, damnarunt Pontifices hunc Baij articulum 25.
Omnis opera infidelium sunt peccata, & virtutes Philosophorum.